

終獻 宣疏

臣聞天地相合以降甘露坎離既濟則生黃
芽以丹鼎英精既迴殊於流俗則紅塵煙火
豈可奉於高仙茲因酌水之儀而致獻湯之
禮黃昏一七探囊願試於仙方白雪九還換
骨斬分於餘劑臣等虔恭捧湯奉獻

進湯 誦經

臣聞神潛恍惚無往不存道在虛無有求輒
應況渺渺大羅之境而巍巍萬有之尊且求
於色相者已非矧擬以去來者踰遠然既因
人而做為此禮苟非循迹而莫致其誠是故
香花燈燭以表其宜詞疏表章以通其意荷
高明之委鑒懼氣瀆之貽誅茲習禮之告成
非願存之可挽伏想九光鶴蓋自碧落以來
迎八景龍輿凌青冥而上返臣等雲霄極目
涕泗交頤言有盡而意無窮形雖踈而心甚
適當年白鹿尚可訪於譙城異日青羊安得
來於蜀郡臣等下情不勝攀戀之至謹稽首
拜送

回輦頌

太清道德顯化儀

正一天師清微弟子 洪百堅 製作

道教學術資訊網站

正一解厄醮儀

忠四

凡人年命有厄元辰死忌五羅算盡陽九
陰八盜賊口舌疾病官橫財產不利觸事
災憂者可依法推究章醮解之即得轉禍
為福大吉利宜以太歲本命甲子庚申及
諸吉日醮請司命北斗七星生度災厄所
須之物並隨其貴賤豐儉量之今聊舉其
數如左

淨席六領小案一面香爐六枚并漆盤二
十四面燈盞四十九枚并燈檠四十九枚
不用白色綠五段段長八尺已上青五段
段長八尺已上不用紙二十四張小鼎二枚
壇簋十二枚長一丈二尺并赤線二十四
不用夜銅磬子一枚大盤一面

右一十一件一造永用亦可借充

乾菜四十八顆粟黃四十八顆時果子色
別四十八顆捻頭四十八枚饅頭四十八
枚雜餅色別四十八枚黍飯三斗米拌之
屬色別四十八枚香一兩鹽半斗豉一斗
然燈油四十九盞并炷並夜間淨水一椀
白日用

右一十三件醮訖並分散令盡

手中三尺五寸

中律

銀錢一千二百文命

米一石二斗命錄尺數計歲餘一

上士題

本命納

右四件可臨事裁量醮訖並施散

醮法於家庭中若諸靜處若室中作壇壇方二丈四尺開四仲門門闊四尺欄簷三重題正東青陽之門正南朱明之門正西結陰之門正北玄英之門內依五方數席一法不用欄簷以隨壇南門外五尺一席三色絲周匝軒為壇師座一香案案上數巾帛亦可五方壇上東席五帝五盤五分南席三神三盤三分西席三台三盤三分北席六甲六盤六分中席七星七盤七分鹽左鼓右其淨水置几上米及錢絲置案上五方座隨神階降數錄席為神座案高上次錄次錄錄前數青布東錄為食單上列盤果金銀高上次錄盤十二尺面別一十二燈燈高三尺五寸師案前一燈高二尺一寸執事從東門出入先安鎮物次燒香次下食盤若行香

從中席西頭為始次第東南西北弟子立壇東師北面扣磬三十六下平立安心靜默絕開止喧存四獸及玉童玉女侍左右

次叩齒三通祝曰

太上玄元五靈老君當召功曹使者左右龍虎君捧香使者三炷正神急上開啓三天太上玄元道君臣正爾燒香為某設醮奉請北斗七星五帝諸君消災乞福願得八方正真生炁來入臣身所啓速達徑御

太上昊天玉皇上帝几前

次長跪請神曰

維國號某年歲月某朔某日某辰臣某稽首再拜謹上請北斗第一貪狼星第二巨門星第三祿存星第四文曲星第五廉貞星第六武曲星第七破軍星七星真君各率官屬降臨中席歆餐醮禮謹上請三台六星上鼎君各率官屬降臨西席歆餐醮禮謹上請東方青帝九炁君南方赤帝三炁君

西方白帝七炁君北方黑帝五炁君中央黃帝一炁君五方帝君各率官屬降臨東席歆餐醮禮

謹上請南上司司命司錄延壽益算度厄尊神各率官屬降臨南席歆餐醮禮

謹請六甲六旬王文卿等陰陽六十神從官將吏玉女眾靈一切來下降臨北席歆餐醮禮師伏地思神集座起拜

次上香 獻茶 初獻

上啓七星五帝三台命錄六甲等神伏願一降臨歆餐醮禮今有州縣鄉里官位姓名年歲生月本命甲子其神王文卿從官十八人屬北斗第一貪狼星字靈神子生在凡俗百行多違無福穰災遂延憂患動止懷懼心念不安唯恐令歲年中被諸衰厄求死并會刑殺加臨八難所纏七傷為惡凶神攝攝毒鬼與災一日遭罹無方取濟告祈感切深可哀矜謹以今日吉慶良辰某地露出中庭依科首謝謹齋命錄命米信錢信物信香并奉一通於北斗之下對眾靈之前歸命星官披心帝府輒獻微

禮奉為丹誠願降真神祈恩安命伏願流慈
布澤合譚停輝若人多云謝係與熊弟子再拜

次上香 亞獻

重啓衆真等其慊倒懇乞求靈祐唯願賜
為其解却身命今歲來年所有災厄願解東
方青瘟青災春之三月木行之厄願解南方
赤瘟赤災夏之三月火行之厄願解西方白
瘟白災秋之三月金行之厄願解北方黑瘟
黑災冬之三月水行之厄願解中央黃瘟黃
災四季之月土行之厄願解本命行年生胎
日月五行相克九宮不利之厄願解衆元諸
殺天年歲星三刑六害五羅算盡之厄願解
四出行來逢災遇禍所求不得所作不成田
種薄收壁桑不熟之厄願解盜賊兇寇劫掠
侵奪亡失錢財剝削之厄願解官私口舌牢
獄囚繫刑法律令枷鎖之厄願解時行疫癘
患瘡中風千病萬痛危亡之厄願解軍行戰
鬪兵力殺傷山川阻險沒溺之厄願解四方
十二時上新死故亡雄雌注殺破射之厄願

解虎狼蟲蛇蛟龍蜂蠆毒螫之厄一切諸厄
悉乞解除若天羅所加地網所繞六神為惡
九醜為災厥厥剋傷建破衝擊年窮算盡厄
會深重者伏願天官迴罔極之施降雲雨之
恩俯鑒丹誠俄流惠澤元元厄解禍難冰消
則枯木更榮朽骸蒙潤咸荷明聖覆護重恩
若上香即云臣今謹為拜奏某章一通上聞天曹請
先出功曹使者及時騰達伏願尊神照省
弟子再拜謹啓

次散酒飲食出官上章訖更上香

終獻

重啓明星北斗三台五帝司命司錄六甲等
神某敢竭至誠奉請明聖凡筵穢濁所獻輕
微仰勞尊神迂屈雲駕垂恩曲盼被福蒼生
持乞瀾波恩霑某十愆萬過賜為消除夢想
正真災殃拜滅北斗落苑南宮注生五帝真
靈並加匡衛六甲神吏常與扶持舉向開通
營求允遂若官秩昇進品位高遷政化風
行威嚴肅肅永綏天祿長簡帝心未紫騰芬
微猷克著若居宅清肅人口平安金玉滿

堂錢財運合五龍鎮守六耗不生男女貞賢
門戶興盛若道若六通洞達四達圓明慧業相
資威神自在玉曆題字金簡刻名兆庶欽崇
人天敬仰若若所苦之處即蒙輕減五內
通理百關調暢鬼賊毒散寒消熱歎四大平
復六府清和云總則上荷明神無邊慧力惟垂
廣蔭被受大恩弟子再拜謹啓

宣疏 送神

伏以神降修歛應感斯須禮謝既周行香已
畢神歡人悅留連盡席雲車整轡羽駕踟躕
畧刻易淹不敢稽滯上界天官仰昇宮陞下
地神祇各還部署向所祈啓具騰表裏願垂
采鑒領納所陳昇車之恩惟垂愜悌臣及弟
子再拜奉送神馭

復鑪

香官使者左右龍虎君捧香使者當令醮壇
之內自然生金液丹精芝英芳味流溢百靈
交會於香火鑪前令某設醮之後災消厄度
受福蒙恩十方仙童玉女侍衛香煙傳臣所
啓徑御

昊天玉皇上帝几前

行事畢主人取本命星盤弄拜食之

餘吉其下醮盤為土地主下一盤於壇外亦得

正一解厄醮儀

正一出官章儀

迴善章出官

望

謹出臣身中五體真官功曹吏出三五清微
天禹餘天大赤天五炁功曹上皇真人十二
真官神元赤炁赤車使者陰陽真炁黃書契
令腹目君將吏陰陽生氣度道關化君將吏
九炁丈人連名將吏消災散禍解厄君將吏
還神君將吏胎生赤白涌池將軍吏官各十
二人出臣身中上仙上靈二官直使功曹官
各二人出三五直使功曹官各二人出正一
功曹收凶錄吏官各二人出上部功曹收惡
吏官各二人出中部功曹收錄逆吏官各二
人出下部功曹收害吏官各二人出促炁功
曹收陰陽吏官各二人出上部使者收魂錄
魂吏官各二人出中部使者收魄錄魄吏官
各二人出下部使者連頭反縛吏官各二人
出促炁使者監時守擊吏官各二人出左官
使者打核鎖檻吏官各二人出右官使者開
枷開獄吏官各二人出高車使者銳其頭截
其耳吏官各二人出赤車使者監路中官吏

各十二人出高手截項吏官各十二人出監
殺直兵吏官各十二人出監殺參軍吏官各
十二人出監殺功曹吏官各十二人出監殺
直符吏官各十二人出監殺促戰吏官各十
二人出監殺信幡吏官各十二人出監殺拔
劍吏官各十二人出監殺鳴鼓吏官各十二
人出監殺長刀截頭吏官各十二人出剛風
騎置驛馬捉法逆戰吏等官各十二人出出
者嚴裝顯服冠帶垂纓住立臣前後具銜臣
所受令有某口辭列素求乞章書迴化厭倒
捕逐惡人凶害謀圖之人臣伏按天地科法
好生惡殺賞善罰惡恭佩符籙職任在身受
約之日法當宣揚正化誅滅惡人今有某州
縣某鄉某月某日被某事即日叩頭告臣元
無所見苦切非輕為某謹按天師科法拜上
赤章一通臣啓此間土地里域真官正炁所
在君將吏兵士等監察考召里社廟主共收
取惡人某被害伐吏兵鉤出都住臣左右走
使擒縛惡人某身住某前後皆為懸頭銳截
不得寬延嚴裝事訖錯鋒刺殺惡人某身章